



1913-yil aprel oyidan chiqa boshlagan

Fidoyilik —
Vatanga xizmat demak!

2024-yil 27-iyun, payshanba,
75 (23.952)-son

Zarafshon

Bugungi kunda matbuot ishi, jurnalistlar faoliyati nafaqat "to'rtinchi hokimiyat", balki mudofaa, xavfsizlik kabi hal qiluvchi sohaga aylanib bormoqda.

SH. MIRZIYOYEV.

www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

MATBUOT VA OMMAVIY AXBOROT VOSITALARI XODIMLARIGA

Qadri do'stlar!

Avvalambor, o'z iste'dodi va mahorati, fidokorona mehnati bilan el-yurtimizga sidqidildan xizmat qilib kelayotgan siz, milliy jurnalistikamiz jonkuyarlarini, soha rivojiga munosib hissa qo'shgan muhtaram faxriylarimizni 27-iyun – Matbuot va ommaviy axborot vositalari xodimlari kuni bilan chin qalbindan samimiy muborakbod etib, barchangizga yuksak hurmatim va ezgu tilaklarimni izhor etaman.

Ma'lumki, axborot sohasini erkinlashtirish va rivojlantirish Yangi O'zbekistonni barpo etish jarayonida biz uchun doimo ustuvor vazifa bo'lib kelmoqda. Mamlakatimizning yangilangan Konstitutsiyasida ommaviy axborot vositalarining erkin faoliyat yuritishini ta'minlash bo'yicha muhim qoida va tamoyillar mustahkamlab qo'yilgani, sohaga doir huquqiy asoslar takomillashtirib borilayotgani bu fikrni yaqqol tasdiqlaydi.

Ayniqsa, keyingi yillarda yurtimizda so'z erkinligi va fikrlar xilma-xilligiga erishish yo'lida keng imkoniyatlar ochilayotgani media vositalari vakillarining ijtimoiy-siyosiy jarayonlardagi ishtiroki, o'rni va nufuzini yanada kuchaytirmoqda.

Bugungi kunda jamiyatimizda ochiqlik va oshkorlikni rivojlantirish, davlat idoralari va ularning mansabdor shaxslari faoliyati ustidan jamoatchilik nazoratini o'rnatish, fuqarolarimizning qonuniy murojaatlarini o'rganish va hal qilish borasida sizlarning o'rningiz va ta'siringiz tobora ortib borayotganini barchamiz yaxshi bilamiz va yuksak qadrlaymiz.

Shu o'rinda gazeta va jurnalimiz, tele va radio kanallar, ijtimoiy tarmoqlarda turli mavzulardagi dolzarb chiqishlar, muammoli masalalar yuzasidan mutaxassis va ekspertlar ishtirokidagi ko'rsatuv va eshittirishlar, tahliliy sharhlar, bahs-munozaralar sezilarli ravishda ko'payganini ta'kidlash lozim.

Xususan, qurilish, ekologiya va atrof-muhitni muhofaza qilish, yo'l harakati xavfsizligini ta'minlashdagi kamchiliklar, ijtimoiy va iqtisodiy sohalaridagi muammolar bo'yicha berib borilayotgan tanqidiy va tahliliy materiallar joylarda mudrab o'tirgan ayrim rahbar va mas'ul shaxslar uchun muvofiq ravishda ta'kidlash lozim.

Muxtasar aytganda, kuyunchak va olijanob jurnalistlarimiz, faol blogerlarimiz o'zlarining qat'iy pozitsiyasi, haqqoniy so'zi bilan hayotimizdagi o'tkir muammolarni hal etish, islohotlarimizning samarasini oshirish, yurtdoshlarimizning fikrini, dunyoqarashini yuksaltirishga munosib hissa qo'shmoqdalar.

Hech shubhasiz, bularning barchasi milliy media vositalarimiz "to'rtinchi hokimiyat" darajasiga yaqinlashib borayotganidan dalolat beradi. Shu bilan

birga, bunday yuksak marraga yetish oson emasligi, bu yo'lda to'siq va qiyinchiliklar bo'lishi tabiiydir.

Lekin, qanchalik qiyin bo'lmasin, bu boradagi ishlarimizni qat'iyat bilan davom ettiramiz.

Muhtaram do'stlar!

Bugungi kunda matbuot ishi, jurnalistlar faoliyati nafaqat "to'rtinchi hokimiyat", balki mudofaa, xavfsizlik kabi hal qiluvchi sohaga aylanib bormoqda.

Bu esa mazkur yo'nalishda aynan sizlardek jasur va dovyurak, Vatanni chin dildan sevadigan, o'z kasbiga sodiq va fidoyi insonlar tobora ko'proq bo'lishini taqozo etmoqda.

Ana shu talabdan kelib chiqqan holda, ko'p qirrali professional bilim va malakaga, yuksak ma'naviy-intellektual fazilatlariga ega bo'lgan zamonaviy jurnalist kadrlar tayyorlash bundan buyon ham ustuvor vazifamiz bo'lib qoladi.

Shu bilan birga, axborot maydonini sifatli va raqobatdosh milliy kontent bilan to'ldirish masalasi har qachongidan ham dolzarb bo'lib borayotgani barchamiz uchun ayon haqiqatdir.

Shu bois, dunyoda yuz berayotgan voqea-hodisalarni milliy manfaatlarimizni hisobga olgan holda, tezkor va chuqur tahlillar asosida yoritib borish o'ta muhim, deb o'ylayman.

Shuningdek, bugungi kunda yolg'on va asossiz ma'lumotlarni tarqatish orqali odamlarni aldash, to'g'ri yo'ldan chalg'itish holatlari ko'payib borayotgani aholining media savodxonligini oshirishni oldimizga kechiktirib bo'lmaydigan vazifa qilib qo'yimoqda. Axborot maydonida yuzaga kelayotgan bahsli tortishuv va muammolar faqat va faqat qonun doirasida, huquqiy me'yorlar negizida hal etilishi shart.

Siz, hurmatli media tarmoqlari vakillari ana shunday masalalarni hal etishda faol ishtirok etasiz, deb ishonaman.

Albatta, sohada xizmat qilayotgan barcha yurtdoshlarimizning qonuniy manfaatlarini ta'minlash, ularning mashaqqatli mehnatini rag'batlantirish masalalari bundan buyon ham e'tiborimiz markazida bo'ladi.

Ushbu quvonchli ayyomda sizlarni qutlug' kasb bayramingiz bilan yana bir bor tabriklab, barchangizga sihat-salamatlik, sharaflil faoliyatingizda yangi yutuq va omadlar, xonadonlaringizga tinchlik va fayzu baraka tilayman.

Fursatdan foydalanib, bugungi bayram munosabati bilan yuksak davlat mukofotlari bilan taqdirlangan ommaviy axborot vositalari xodimlarini chin dildan quytlayman.

Izlanish va ilhom zavqi, yangi ijodiy yutuqlar sizlarga hamisha yor bo'lsin, azizlar!

Shavkat MIRZIYOYEV,
O'zbekiston Respublikasi Prezidenti



DUNYO YOSHLARI SAMARQANDDA UCHRASHDI

Avval xabar qilganimizdek, Prezident Shavkat Mirziyoyev tashabbusi bilan 26-30-iyun kunlari O'zbekistonda birinchi marotaba "Butunjahon yoshlar festivali" o'tkazilishi rejalashtirilgan edi.

Kecha mazkur nufuzli tadbirning ochilish marosimi Samarqanddagi "Boqiy shahar" majmuasi amfiteatrda o'tkazildi.

- Bu nufuzli tadbirda 92 davlatdan 700 nafardan ziyod yoshlar ishtirok etyapti, - deydi Yoshlar ishlari agentligi direktorining birinchi o'rinbosari Dilnoza Kattaxonova. - Mazkur tadbir 15 ta loyihani qamrab, har bir davlat yoshlari o'z g'oyalari o'rta tashlaydi.

Xalqaro turizm markazida festival doirasidagi tadbirlardan biri "Ommalashtirishga arzigulik g'oyalarni kashf eting!" mavzusida yuzma-yuz uchrashuvlar, davra suhbatlari o'tkazildi.

- Tadbirda dunyo yoshlari qatorida ishtirok etayotganimdan xursandman, - deydi qozog'istonlik Yekaterina To'xtarova. - "Mehribonlik" ko'ngillilar jamiyati vakiliman. Tashkilotimiz 20 yildan beri faoliyat yuritib keladi va imkoniyati cheklangan fuqarolarga turli shakllarda yordam beradi, shuningdek, sport va ijodiy to'garaklar faoliyatini olib boradi. Festivalda yangi do'stlar o'rnatirishni, ular bilan g'oyalarni almashishni maqsad qilganimiz. Men bilan birgalikda Qozog'istonning 50 nafarga yaqin yoshlari Samarqandga keldi, ularning har biri jamiyatning u yoki bu yo'nalishi rivojiga o'z hissasini qo'shib kelmoqda.

"Butunjahon yoshlar festivali" oldidan Yoshlar ishlari agentligi direktori Alisher Sa'dullayev bir qator davlatlarning yoshlar ishlari bo'yicha tashkilotlari rahbarlari bilan uchrashuvlar o'tkazdi.

Festivalning yalpi majlisida Alisher Sa'dullayev festival ishtirokchilariga o'zbekistonlik yoshlar uchun yaratilgan imkoniyatlar haqida gapirib berdi.

- Mamlakatimizda yoshlarni birlashtirishga, ularning iqtidorini yuzaga chiqarishga xizmat qiladigan ikki tashkilot faoliyat ko'rsatmoqda, - deydi A.Sa'dullayev. - Ular O'zbekiston yoshlar ittifoqi hamda Yoshlar ishlari agentligidir. Bu tashkilotlar tashabbusi bilan ko'plab loyihalar amalga oshirilmoqda. Birgina "Yosh kitobxon" tanloviga 4 million 700 ming nafardan ziyod yigit-qiz qamrab olindi va ularning 20 nafariga avtomobil sovg'a qilindi.

Tadbirda bir qator davlatlarning yoshlar ishlari bo'yicha vazirlari, yoshlar tashkilotlari rahbarlari so'zga chiqib, festival ishiga omad tiladi.

Festivalda ta'lim, innovatsiya, IT, biznes, media, madaniyat, san'at, sport kabi yo'nalishlarda nufuzli spikerlar qatnashyapti.

"Butunjahon yoshlar festivali" doirasidagi tadbirlar Samarqanddan tashqari, Buxoro, Jizzax, Xorazm viloyatlari va Toshkent shahrida ham davom etmoqda.

To'liq SIDDIQOV,
Baxtiyor MUSTANOV (surat).

Narpay va Past Darg'omda hokimlar almashdi



Kecha xalq deputatlari Narpay va Past Darg'om tumanlari kengashlarining navbatdan tashqari sessiyalari o'tkazildi.

Viloyat hokimi E.Turdimov ishtirok etgan sessiyalarda tashkiliy masalalar ko'rildi.

2020-yildan buyon Narpay tumaniga rahbarlik qilib kelgan Rahmonov Sherzod Shuhratovich boshqa ishga o'tayotganligi munosabati bilan tuman hokimi lavozimidan ozod etildi.

Deputatlar shu paytgacha Oliy Majlis Qonunchilik palatasi deputati sifatida faoliyat ko'rsatib kelayotgan **Bo'ronov Sherbek Erkinovich** Narpay tumani hokimi lavozimiga tasdiqlandi.

2023-yil aprel oyidan buyon Past Darg'om tumaniga rahbarlik qilgan Vahobjon Murotqobilov o'z arizasiga ko'ra lavozimidan ozod etildi.

Shu paytgacha Narpay tumani hokimi vazifasida faoliyat ko'rsatgan **Rahmonov Sherzod Shuhratovich** Past Darg'om tumani hokimi lavozimiga tasdiqlandi.

Viloyat hokimi E.Turdimov ikkala tumanda rahbarlar va faollar oldida turgan vazifalarga e'tibor qaratdi.

MUKOFOT MUBORAK!

Davlatimiz rahbarining "Matbuot va ommaviy axborot vositalari xodimlari kuni munosabati bilan soha xodimlaridan bir guruhini mukofotlash to'g'risida"gi farmoniga ko'ra, O'zbekiston Milliy teleradiokompaniyasining Samarqand viloyati teleradiokompaniyasi televideniye guruhi maxsus muxbiri **Eshonqulov Zamon Asrorovich "Shuhrat" medali bilan taqdirlandi.** Hamkasbimizni yuksak mukofot bilan tabriklaymiz!



Bu yil kimlar eng faol bo'ldi?

O'zbekiston Jurnalistlar uyushmasi viloyat bo'limi boshqaruv hay'atining yig'ilishi bo'lib o'tdi.

Yig'ilishda 27-iyun – Matbuot va ommaviy axborot vositalari xodimlari kuni munosabati bilan viloyat hokimligi, O'zbekiston Jurnalistlar uyushmasi viloyat bo'limi hamda viloyat axborot va ommaviy kommunikatsiyalar boshqarmasi hamkorligida an'anaviy tarzda o'tkazilib kelinayotgan "Samarqandning eng faol jurnalisti" tanlovi yakunlari ko'rib chiqildi. Unga ko'ra, quyidagilar tanlov g'oliblari deb topildi:

BOSMA NASHRLAR YO'NALISHIDA

Barotov Asqarjon Orziqulovich - viloyat "Zarafshon" gazetasi muxbiri;

Yuldashev Faridun Farhodovich - viloyat "Ovoz Samarqand" gazetasi muxbiri;

Musurmonov Bekzod Erkinovich - Samarqand shahar "Samarqand" gazetasi muxbiri;

Quvondiqov Zohid Nazarovich - Narpay tumani "Navqiron Narpay" gazetasi muxbiri;

Nizomova Munisa Najmiddin qizi - shahar "Samarqand yoshlari" gazetasi muxbiri.

TELEVIDENIYE YO'NALISHIDA

Eshonqulov Zamon Asrorovich - viloyat teleradiokompaniyasining maxsus muxbiri, "Sport" telekanalining viloyatdagi muxbiri;

RADIO YO'NALISHIDA

Tog'ayeva Zebiniso Murtazayevna - viloyat teleradiokompaniyasi radio guruhi birinchi toifali muharriri;

AXBOROT XIZMATI YO'NALISHIDA

Sag'dullayev Jahongir Ahmadjon o'g'li - viloyat IIB axborot xizmati boshlig'i - ichki ishlar boshqarmasi boshlig'ining matbuot kotibi;

FOTOJURNALISTIKA YO'NALISHIDA

Eltoyev Husan Fazliddinovich - viloyat gazetalarini jamoatchi fotomuxbiri.

RAG'BATLANTIRUVCHI

Yo'ldoshev Abdulaziz Abdinazarovich - "Xalq so'zi" gazetasi viloyatdagi muxbiri.
Sayfullayev Soyibjon Saydahmadovich - Jomboy tumani "Jomboy tongi" gazetasi fotomuxbiri.

MATBUOT -

jamiyat ko'zgusi, ma'rifat targ'ibotchisi



Inson tashqi ko'rinishidagi qusurlarni oynaga qarab to'g'rilagani kabi jamiyat ham o'zidagi muammo va kamchiliklarni ommaviy axborot vositalarida ko'rib, ularni bartaraf etib boradi. Shu ma'noda, matbuot jamiyat ko'zgusi, adolat va haqiqat jarchisi, ma'rifat targ'ibotchisidir.

E'tiborlisi, bugun matbuotning "lokomotiv"i sanalgan jurnalistga o'z mahorat va salohiyatini, jasoratini namoyon etishi uchun hech qanday to'siq yo'q. Har bir OAV vakilining yangilik tarqatish, erkin so'z aytish huquqi qonun bilan kafolatlangan. Qolaversa, istagan kishi gazeta, jurnal, teledudiy, radiokanal, sayt ochishi mumkin. Davlat nafaqat o'z muassisligidagi, balki nodavlat OAVni ham qo'llab-quvvatlamog'ida.

Zero, so'z erkinligi faqat OAVgagina emas, avvalo, davlat uchun zarur va foydalidir. Chunki ochiqlik, oshkorlik bor joyda korruptsiya, tamagirlik, jinoyatchilik, qonunbuzilish holatlariga qarshi kuchli jamoatchilik nazoratini o'rnatish imkoniyati yuzaga keladi.

Shu ma'noda, keyingi yillarda davlatimiz rahbarining ommaviy axborot vositalarini rivojlantirishga doir ko'plab hujjatlari qabul qilindi. Bundan tashqari, Prezidentimiz deyarli hamma uchrashuv va yig'ilishlarda ommaviy axborot vositalariga alohida e'tibor qaratish lozimligini qayta-qayta ta'kidlaydi. Masalan, Prezident o'tgan yilning ayni shu kunlarida jizzaxlik saylovchilar bilan uchrashuv vaqtida respublikamizdagi barcha OAV vakillarini kasb bayrami bilan qutlab: "6,5 yil ichida eng katta erishganimiz - ochiqligimiz. Qo'rquvimiz yo'q bo'lgani. Ijro organi rahbari biron qaror qabul qilishdan oldin ilgari hech narsa o'qimadisi, hozir kamida 10 marta o'qiydi. Blogoerlar nima deydi, OAV menga qanday baho beradi, degan savollarni o'ziga beryapti", deya ta'kidladi.

Darhaqiqat, bugun ko'plab rahbarlar jurnalistlar chiqishlari, fuqarolar murojaati bilan hisoblashmoqda. Bu jarayonning muhtazam va izchil monitoringi ham shakllanyapti. Rahbarlar faoliyatiga jamoatchilik bilan qanchalik muloqot o'rnatgani, matbuot sahifalari, ijtimoiy tarmoqlarda chiqayotgan maqolalar, tanqidiy fikrlarga nechog'li munosabat bildirayotganiga qarab baho berilmoqda. Faoliyati tanqid ostiga olingan har qanday mansabdorga tegishli choralar ko'rilyotganini esa hayotda barchamiz ko'rib, guvohi bo'lib turibmiz.

Endi ayrim raqamlarga e'tibor qaratsak. Bugun viloyatimizda 36 ta gazeta-jurnal chop etilmoqda. Ularning uchtasi viloyat nashri, 16 tasi shahar va tumanlar gazetalaridir. Shuningdek, xususiy nashrlar, tarmoq gazetalar, ilmiy, adabiy-badiiy jurnallar bor. Gazetalarning aksariyati A-2 hajmda, o'rtacha 2-2,5 ming nusxada chop etilyapti. Bu nashrlarning davriyligi ko'paydi, barcha gazeta va jurnallarning veb-saytlari joriy etildi.

Ammo tan olish kerak, tahriryatlarda jurnalist kadrlarga ehtiyoj bor. Tabiiyki, bu yetishmovchiliklar OAVning mazmun-mundariyasi, sifatiga salbiy ta'sir ko'rsatmoqda. Dastlab 16 yil davomida viloyat «Zarafshon» gazetasi tahririyati qoshida, 2 yildan buyon jurnalistlar uyushmasi viloyat bo'limi qoshida faoliyat yuritib kelayotgan «Mahorat maktabi» bu kabi kamchiliklarning o'rnini qisman

to'ldirmoqda. Keyingi ikki yilda bu yerda 30 nafardan ziyod tinglovchi jurnalistika sirlarini o'rgandi.

Viloyatimizda ikkita yirik bosmaxona ishlab turibdi. Mahalliy gazetalarining barchasi, shuningdek, Jizzax, Surxondaryo, Qashqadaryo viloyatlarining 30 ga yaqin gazetalar ana shu bosmaxonalar - "Noshir lyuks" va "Sherdor plyus poligraf" da chop etilmoqda.

Shuningdek, bitta televideniye, bitta radio faoliyat ko'rsatyapti. Viloyat teleradiokompaniyasining bir kunlik efir hajmi 18 soatni tashkil qilmoqda. Bundan tashqari, 81 ta axborot xizmati, jumladan, 16 ta tuman va shahar hokimliklarida, 65 ta tashkilotda matbuot kotibi faoliyat yuritmoqda.

Faxriy jurnalistlar tajribasini yoshlarga o'rgatish va ularni qo'llab-quvvatlash bo'limimizning doimiy e'tibor markazida. Xususan, yil boshidan buyon faxriy jurnalistlarni qo'llab-quvvatlash, jurnalistika sohasida orttirgan tajribalarini keng yoyish maqsadida ular bilan birgalikda qator tadbirlar uyushtirdik. Masalan, Samarqand shahrida Toshpo'lat Rahmatullayevning 75 yillik yubileyi munosabati bilan keng jamoatchilik ishtirokida uchrashuv bo'lib o'tdi, O'zbekistonda xizmat ko'rsatgan jurnalist Farmon Toshevning 70 yoshi munosabati bilan tantanali tadbir, adabiy-badiiy uchrashuv o'tkazildi. Shuningdek, faxriy jurnalistlar Abdurahmon Boshmonov, Xoliq Hakimovlarning 75, To'raqul Rustamov, Botir Muhammadiyev, Turg'un Hasanovlarning 70, Jamshid Obidov, Furqat Turniyozovlarning 60 yoshga to'lishi munosabati bilan ma'naviy-madaniy tadbir tashkil etildi.

O'zbekiston Jurnalistlar uyushmasi raisi vazifasini bajaruvchi Xolmurod Salimov bilan birga shaharning Kimyogarlar ko'rg'onida yashovchi 75 bahorni qarshilagan, "Shuhrat" medali sohibi Mahbuba Sharopova xonadonida bo'lib, ijodkor bilan dildan suhbatlashdik. Shuningdek, matbuot sohasida samarali mehnat qilgan yana uch nafar faxriy jurnalistga 65 yoshga to'lgani uchun hamda 8-mart - Xalqaro xotin-qizlar kuni munosabati bilan sohada ko'p yillik tajribaga ega uch nafar ustoz ijodkorga uyushma viloyat bo'limining tashakkurnomasi va sovg'asi topshirildi.

Bugun zamon shiddatkor. Axborot sohasi vakili bugungi kunda siyosatchi, iqtisodchi, tahlilchi bo'lishi kerak. Joylardagi haqiqiy holat tahlili, qaysi sohada muammo borligi, fuqarolar nimadan noroziligi va uni bartaraf etish bo'yicha takliflar ommaviy axborot vositalarida jurnalistlarimiz tomonidan muttasil ravishda berib borilyapti. Zero, jurnalist jamiyatdagi muammolarni, xalqning dardini ommaning e'tiboriga olib chiqadi. Jurnalist ko'targan masala hal qilinishi shart, unga bepisand qaralsa, oqibati yaxshilikka olib kelmasligi aniq.

Shu ma'noda mamlakatimiz markaziy nashrlarining maxsus muxbirlari, tarmoq va xususiy nashrlar, internet saytlari muxbirlari ham uyushmamiz bilan yaqin hamkorlikda ish yuritayotgani quvonarli. Ular viloyatda amalga oshirilayotgan islohotlarning boshqarilishini, bunyodkorlik va turli sohalardagi o'zgarish va yangiliklarni keng yoritmoqda.

Viloyatimizning barcha jurnalistlari, tahriryatlar xodimlarini kasb bayrami bilan qutlab, ularga sog'liq va omonlik tilaymiz!

Akram HAYDAROV,
O'zbekiston Jurnalistlar
uyushmasi viloyat
bo'limi raisi.

Jamiyatda gazeta kerakmi, degan savol o'rtaga tashlangan vaqtda keksa avlod vakili sifatida fikrlarim bilan o'rtoqlashmoqchiman.

Eskidan gap bor: televizor yaratilganda endi gazeta, radio va teatr kerak bo'lmaydi, deyilgandi. Ko'rdik-ku, bu farazlar o'zini oqlamadi.

Keyingi paytda bu borada yangi gap aylanyapti: Internet televideniye, gazeta va umuman, barcha OAVning o'rnini bosadi yoki ularga zarurat, ehtiyoj qolmaydi. Ijtimoiy tarmoqlar aholining salmoqli qismini (hammasini emas) qamrab olgani rost. Lekin odamlar bexato yozilgan va mazmunli matnga, mutolaa zavqiga doim muhtoj bo'ladi. Demak, insoniyat bor ekan, gazeta kerak.

GAZETA hammaga kerak(mi?)

OBUNA YO'Q, PUL HAM

Rost, bugun ixtiyoriy tarzda obuna yo'q hisobi. Demak, tahriryatlarning moliyaviy ahvoli, jurnalistlarning "topish-tutishi" ham pasaygandan pasayib bormoqda. Buning bir qancha sabablari bor, albatta. Ulardan biri, balki asosiysi, gazeta mazmun-mundariyasi bugungi o'quvchi talablariga javob bermasligi bo'lishi ham mumkin. Bu, mushtariyga (iste'molchiga) "istasang ham, istamasang ham shu", deyishga o'xshaydi.

Umuman, bugun bosma nashrlar "bo'lib o'tdi" kabilarini raqamli nashrlarga qoldirib, bloger, vayner yoki boshqa ijtimoiy tarmoq faollari qilolmagan ishni qilishi kerak. Aslida bu haqda avval ham ko'p aytilgan - gazetalar tahlil, asoslantirilgan taklif berishi zarur. Ammo ko'ryapmizki, faoliyatini transformatsiya qilishga "erinayotganlar" ko'p.

Obunaning sustligi nashrning obunachilarga o'z vaqtida yetkazib berilmayotganligiga ham bog'liq. Istalgan bosma nashrdan surishtiruv o'tkazib, gazeta o'quvchiga yetib bordimi-yo'qmi, tahriryatga qiziq emas.

Bilamiz, yetkazib beruvchi tashkilotlar gazetalariga qo'shimcha narx belgilashi ortidan obunachi yanada qimmatroq to'lashiga to'g'ri keladi. Ayrim G'arb davlatlarida yetkazib berish tahriryatning zarariga ishlaydi. Ya'ni, ular nashrni yetkazib berish xarajatlarini reklama va e'lonlardan tushgan mablag'lar hisobidan qoplaydi. Shu kabi samarali boshqaruv hisobiga uncha rivojlanmagan Yevropa davlati - Polshada birgina "WPGOST" haftalik gazetasi 2 milliarddan ziyod obunachi o'qirgan.

Umuman, gazeta jamiyat hayotining muhim qismi bo'lgan davlatlarda salmoqli maqolalar o'rin olgan nashr sexdan chiqishi bilan 2-3 soat ichida obunachi qo'lida bo'ladi.


Shu o'rinda yana bir gap. Mahalliy nashrlarimiz vaqti-vaqti bilan o'z auditoriyalarini tahlil qilib turishi kerak, nazarimda.

XORIY TAJRIBASI


O'z vaqtida "АиФ" gazetasi 32 million nusxa chiqqani bilan Ginnes rekordlar kitobiga kirgan, deyishadi. Lekin hozir bu nashr ko'rsatkichi 1 millioning nari-borisida chop etiladi. "АиФ" zamon talabini to'g'ri tushunib, raqamlashtirishga o'tgan. Shuning uchun uni bir vaqtlar qog'oz formatdagi auditoriyasi (30-40 million) saytga "ko'chgan".

Bizda bosma nashrlar asosan obuna ortidan kun ko'radi. Vaholanki, xorijda davriy matbuot reklama hisobidan moliyalashtiriladi. Aksar hollarda obunachi turli uslublar bilan rag'batlantirilishini ham eshitgansiz. Misol uchun Turkiyada kitoblar, xususan, ensiklopediya taqdim etiladi. Ular "mahsulot"ini bozorda o'tkazish uchun potensial mijoz kutmaydi, mijozlarga taqdim qilish yo'lidan boradi.

Muhimi, rivojlangan davlatlarda ham matbuot turli ko'rinishda qo'llab-quvvatlanadi. Fransiyada gazeta va jurnallarni chop etish, tarqatish borasida davlat subsidiyalari belgilangan. Ayniqsa, 2009-yilda prezident Nikolya Sarkozi tashabbusi bilan amalga oshirilgan maxsus dastur alohida ahamiyatga ega. Aksiyada davomida 14 yoshdan 18 yoshgacha bo'lgan o'smirlar uchun gazetalariga yillik bepul obuna taqdim etilgan. Dasturga 59 nomdagi kundalik gazetalar jalb qilingan. Uch yillik bu loyihaga Madaniyat va ommaviy kom-



davom ettirdim. Tumandagi "Sovetobod tongi" (hozirda "Nurobod") gazetasi ham shu usulda tahriryatda menga tajribali muharrir B. Shamsiyev, jurnalistlar B. Mahmudov, S. Xudoyorovlar qimmatli maslahatlarini berib, ko'proq yozishga ruhlantirardi. Bir kuni viloyat "Lenin yo'li" (hozirgi "Zarafshon") gazetasi qoshida faoliyat olib borayotgan Ishchi-dehqon muxbirlari universitetiga tinglovchilar qabul qilinishi haqidagi e'lonni o'qib qoldim. Hujjat va maqolalarim chiqqan gazetalarini ko'tarib, tahriryatga bordim. Guruh rahbari, jurnalist X. Nurullayev bilan uzoq suhbatlashgach, meni qabul qilishdi. 1986-1988-yillar davomida taniqli jurnalistlar H. Temirov, M. Muqimov, A. Yo'ldoshev, A. Ahmedov, T. Shomurodov hamda I. Abdurahmonovlardan maqola yozish, ma'lumotlar to'plash, intervyu olish, reportaj yozish kabi muxbirlarning sir-asrorlarini o'rganib bordim. Ba'zida bosh muharrir M. Nuriddinov va "Leninskiy put" (hozirgi "Samarqandskiy vestnik") gazetasi bosh muharriri B. Shegolinlar kelib, saboq berishardi. Tajribalari bilan o'rtoqlashib, intervyu, reportaj olish, feleton, ocherk yozish sirlarini erinmay o'rgatardi. Ayniqsa, fotomuxbir G'ulom Aliyevdan inson qiyofasi, tabiat mukam-



munkatsiya vazirligi 15 million yevro mablag' sarflagan. Keyinchalik bir qator yangi hamkorlar loyihada qatnashish istagini bildirgan. Ularning yordami bilan aksiya tashkilotchilari o'quvchilari auditoriyasini sezilarli darajada kengaytirib olgan.

AQShda Vashington, Oregon va Arizonadan saylangan uch senator Mariya Kantvelli, Mark Kelli va Ron Uayden "Hududiy jurnalistikani qo'llab-quvvatlash to'g'risi"da qonun loyihasini taqdim etgan. Qonun loyihasida mahalliy gazetalarini saqlab qolish bo'yicha muayyan takliflar berilgan. Misol uchun, jismoniy shaxslarga mahalliy nashrlarga obuna bo'lgani yoki homiylik mablag'lari ajratgani evaziga soliq imtiyozlari qo'zda tutilgan.

E'tibor qilyapsizmi, Amerikada ham bosma nashrlar obunasi, mutolaasi bilan bog'liq muammo yuzaga kelgan. Lekin ular qo'l qovushtirib o'tirishayotgani yo'q.

MA'RIFATGA MAJBURLASH

Aslida xalqimiz, o'sib kelayotgan avlod mutolaaga tashna, faqat shu tashnalki qondirishning samarali va oqilona yo'llarini izlab topish kerak. Ayniqsa, farzandlarimizni bolaligidan matbuot bilan oshno qilsak, kitobxonlikni rivojlantirishga mustahkam poydevor qo'ygani bo'lamiz. Faqat buning uchun gazeta-jurnallar uchun obunaga ijobiy ko'z bilan qaray olishimiz kerak. Afrikaning qashshoq bir mamlakati prezidenti shunday degandi: "Odamlarni ma'rifatga majburlashning yomon tomoni yo'q".

Rost, bugun biz odamlarni, yoshlarni gazeta-jurnal o'qishdan, kitob mutolaasidan uzib qo'ysak, savodsiz avlodni tarbiyalagan bo'lamiz.

BIZDA GAZETXONLIKKA E'TIBOR YO'QMI?

Oddiy misol, Bir necha yil avval «Davlat boshqaruvi organlari va mahalliy davlat hokimiyati organlari muassisligidagi davriy bosma nashrlarni qo'llab-quvvatlash va ular faoliyatini yanada rivojlantirishga oid qo'shimcha chora-tadbirlar to'g'risida»gi Vazirlar Mahkamasining qarori loyihasi O'zbekiston Respublikasi normativ-huquqiy hujjatlar loyihalari (regulation.gov.uz) saytiga jamoatchilik muhokamasi uchun joylashtirildi.

Loyihadan davlat boshqaruvi organlari va mahalliy davlat hokimiyati organlarining gazeta va jurnallar xodimlari maoshlarini mahalliy hokimiyat organlarining budgetdan tashqari jamg'armalari hisobidan qoplash, sof foydani tahriryat hisobida qoldirish, davriy bosma nashrlar xodimlari malakasini oshirish, xususan, gazeta va jurnallar elektron nashrini yuritishda zarur bo'lgan ko'nikmalarni shakllantirish bo'yicha o'quv kurslarini tashkil etish kabi bir qator muhim vazifalar o'rin olgan.

Turdi TURSUNOV,
mehnat
faxriysi.

O'zimni qishloq muxbiridek his qilaman

Ommaviy axborot vositalari xodimlari kuni yaqinlashaversa, bir vaqtlar o'zim ham shu zondara qaynaganim yodimga tushaveradi. Sobiq ittifoq davrida har bir xonadonga tuman, viloyat, respublika miqyosidagi barcha gazeta va jurnallar yetkazib berilardi. Birgina Qarnabota qishlog'imizda F. Ismoilova, M. Po'latova, M. Davronova kabi pochta-chi opalarimiz uyma-uy yurib, xat, gazeta va jurnallarni o'z vaqtida yetkazishga harakat qilishardi. Ushbu gazeta va jurnallarning ayrimlarida maqola, lavha va ocherklarim bilan qatnashib turardim.

1978-1981-yillarda Oqdaryo tumani Dahbed shaharchasidagi Samarqand qishloq xo'jaligini mexanizatsiyalashtirish texnikumida ikkinchi mutaxassislik bo'yicha tahsil olish bilan birga, shu bilim yurtida ish yurituvchi bo'lib ishlardim. Bir kuni Samarqand shahridan Dahbed shaharchasiga ketish uchun avtobus kutib tursam, "Moskvich" mashinasi kelib to'xtadi. Haydovchi qayerga borishimni so'radi. Manzilni aytgach u "yo'limiz bir ekan, tashlab o'taman, o'tiring" dedi. Mashinaga o'tirib olgach, hol-ahvol so'rashdik, tanishdik. Haydovchi o'zini Niyozxon Aliyev, jurnalistman deb tanishtirdi.

Uning kayfiyati chog' edi.

- Hozirgina viloyat hokimligidan suhbatdan o'tib kelyapman, Oqdaryo tumani "Leninizm yo'lidan" (hozirgi "Oqdaryo ovozi") gazetasiga muharrir etib tayinlandim, - dedi haydovchi. - Xursandchiligimni kim bilandir bo'lishgim keldi.

Niyozxon akani tabriklab, ijodiga baraka tiladim. Yo'l bo'yab gurunglashib ketdik. Manzilga yetgach, Niyozxon aka menga texnikumda o'tkaziladigan tadbirlar, xabar va yangiliklar haqida maqolalar yozib yuborishimni aytdi. Ko'p o'tmay texnikumda o'tkazilgan

badiiy kecha haqida qog'oz qoralab, tahriryatga olib bordim. Yangi muharrir meni iliq kutib oldi. Ko'z oldimda maqolani o'qib, qog'ozning uyoq-bu yog'iga qalam urdi. Gazetaning navbatdagi sonida kichkinagina xabarham bosilib chiqdi. Xursandligimning cheki yo'q edi. Keyinchalik yana bordim, yana chop etildi. Qarangki, tasodifiy uchrashuv sabab menda ijodga, muxbirlikka mehr uyg'ondi. Tez-tez maqola, lavha va ocherklar yozib, tuman va viloyat gazetalariga yubora boshladim. 1981-yilda texnikumni bitirib, Nurobod tumanidagi yo'l qurilish ekspluatatsiyasi boshqarmasida ish boshladim. Ish bilan birga ijodini ham

maliklarini obyektivga muhrlash sirlarini o'rgandik. Men bilan birga universitetda o'qigan J. Qayumova, Y. Atoyev, U. Hasanova, M. Rashidova, G. Eshmonovlar shu sohada ishlab ketishdi. Ularning ayrimlari viloyat, respublika gazeta-jurnallarida, respublika radio va televideniyesida faoliyat yuritmoqda. Ishchi-dehqon muxbirlarining V-respublika syezdigacha delegat bo'lib qatnashib, faxriy yorliqlarga ham ega bo'ldim. Ikkinchi kasbim muxbirlikni egallaganimdan juda xursand edim. Universitetni tugatib, qo'limizga "Lenin yo'li" gazetasi qishloq muxbiri, degan guvohnoma berishgach, ko'p insonlar bilan tanishdim, uchrashdim, ular haqida ko'plab maqola, ocherk va lavhalarim gazetalarda chop etildi.

Mana, oradan qancha yillar o'tib ketibdi. Asl kasbim boshqa bo'lsa-da, hanuzgacha o'zimni qishloq muxbiri his qilaman. Tajribali ustozlardan olgan saboqlarning ta'siri bo'lsa kerak, 73 yoshga kirsam-da, hamon qo'lmdan qalam tushmaydi, nimalarimdir yozgim kelaveradi. Dala-dashtlarga chiqib, cho'pon-cho'liqlar, bobodehqonlar haqida ularning mehnatini ulug'lab maqolalar yozgim kelaveradi.

Xolmurod QAHHOROV,
Paxtachi tumani,
Qarnabota qishlog'i.

Jurnalistlarga ehtiyoj bor, ammo...

Kundalik hayotimizni axborotsiz tasavvur qila olmaydigan bir davrda yashayapmiz. Ertalab uyg'ongandan uyquga yotguncha yurtimizda va dunyoda bo'layotgan xabarlar bilan tanishamiz. Qo'limizdagi mobil telefon orqali axborotlarni xoh matn, xoh video yoki audio shaklda kuzatamiz. Axborot eshitmasdan, ko'rmadan biror kunimiz o'tmayapti.

Ammo axborotni olish, tayyorlash va tarqatish bilan shug'ullanuvchi kasb egalari yashaydigan mehnatni hamma ham his etavermaydi. Nazarimda ularga bo'lgan ehtiyoj ortgan sayin, talab kamayib borayotgandek. Buni viloyat kambag'allikni qisqartirish va bandlik bosh boshqarmasi ma'lumotidan ham bilish mumkin. Ayni paytda viloyatda jurnalist kasbi bo'yicha hech qanday vakant o'rnini mavjud emas. Xo'sh, bunga sabab nima?

To'g'ri, majburiy obuna tugatilgach, ayrim gazeta va jurnallarga obuna keskin kamayib ketdi. Axborot va ommaviy kommunikatsiyalar agentligi viloyat bo'limining ma'lumotiga ko'ra, 2023-2024-yillarda "Adolat sari", "Bahs", "Ulug'bek vorislari", "Intellekt" kabi tarmoq gazetalari chop etilmayapti. O'zbekiston Yozuvchilar uyushmasi viloyat bo'limiga qarashli "Ijod yo'li" gazetasi tugatildi. Boshqa ommaviy axborot vositalarida ham shtatlar qisqardi.

To'g'ri, jurnalist kadrlarga bo'lgan talab bir tomondan kamaygani bilan ikkinchi tomondan ularga ehtiyoj oshdi. Masalan, Prezidentimizning 2019-yil 27-iyunda "Ommaviy axborot vositalari mustaqilligini ta'minlash hamda davlat organlari va tashkilotlari axborot xizmatlari faoliyatini rivojlantirish bo'yicha qo'shimcha chora-tadbirlar to'g'risida"gi qarori qabul qilindi. Unga ko'ra, davlat organlari va tashkilotlarida matbuot kotibi shtatli ochilib, axborot xizmatlari xodimlari ustuvor ravishda jurnalistika sohasida oliy ma'lumotga ega bo'lgan shaxslar orasidan tayinlanishi belgilandi.

Ayni paytda viloyatdagi davlat organlari va tashkilotlarida 71 nafar axborot xizmati xodimi faoliyat yuritmoqda. Ularning atigi 15 nafari ixtisosligi bo'yicha jurnalist mutaxassisligiga ega. Yuqoridagi qarorga amal qilinadigan bo'lsa, viloyatda jurnalist kadrlarga ehtiyoj bor.

TELEVIDENIYEGA TAYYOR MUTAXASSISLAR KELMAYDI

Bugun Samarqand viloyati teleradiokompaniyasi eng ko'zga ko'ringan ommaviy axborot vositasi hisoblanadi. Xo'sh, ushbu muassasada jurnalist kadrlarga bo'lgan talab qanday?

- Televideniye va radioda jurnalist kadrlarga ajratilgan shtatlar to'lib bo'lgan, - deydi viloyat teleradiokompaniyasi direktori Mirzo Ixtiyorov. - Hatto ayrim jurnalistlar yarim shtat birligida ishlaydi. Ayni damda teleradiokompaniyada 79 nafar xodim faoliyat yuritadi. Ularning 44 nafari ijodiy xodim bo'lib, shundan 16 nafari televideniye, 17 nafari radio va 11 nafari ijodiy ishlab chiqarishda mehnat qiladi.

Taassuf bilan aytish kerak, teleradiokompaniyaga ishga kelayotgan yoshlarning bilim va iqtidori yetarli emas. Yosh jurnalistlarga olti oydan bir yilgacha ish o'rgatamiz. Ba'zida bir yildan keyin ham ishini to'liq olib ketolmaydiganlar uchrab turadi. Jurnalistlik shunday kasbki, uni faqat nazariya bilan o'rganib bo'lmaydi. Qachonki, oliy ta'lim muassasalarida nazariya va amaliyot bir-biriga bog'lab o'rgatilsa, jurnalist kadrlar ommaviy axborot vositalariga tayyor mutaxassis bo'lib keladi.

YANGI O'QUV YILIDAN MEDIA MARKAZ ISHGA TUSHADI

Joriy yilda Samarqand davlat chet tillar institutini jurnalistika (xalqaro jurna-



listika) yo'nalishining ilk talabalarini bitirdi. Shu paytgacha jurnalist kadrlar faqat Toshkentdagi oliy ta'lim muassasalarida tayyorlanardi. Institut mas'ullari xalqaro darajadagi jurnalistlarni tayyorlashni maqsad qilib, ushbu yo'nalishni ochishga muvaffaq bo'ldi.

- Joriy yilda institutimizning jurnalistika (xalqaro jurnalistika) yo'nalishini 27 nafar talaba bitirishi kerak edi, ammo 4 nafar talaba fanlardan qazrdor bo'lib qolganligi bois ularning 23 nafari diplom berilyapti, - dedi institut o'qituvchisi Muxlisa Xudoyberdiyeva. - Xalqaro jurnalistika yo'nalishida talabalarga kasbga oid fanlar bilan birga chet tili fani o'qitildi. Talabalarining ko'pchiligi chet tilini bilish darajasi bo'yicha imtihon topshirgan, ayrimlarida til bilish sertifikatini mavjud.

Bizda jurnalistika yo'nalishi ixtisoslashgani yo'q, shuning uchun talabalarga ayrim yo'nalishlar tanlov asosida o'tiladi. Masalan, o'tgan yili talabalarda o'tkazilgan so'rovnomada ko'pchiligi harbiy jurnalistika bo'yicha darslar o'tilishini so'rashdi. Shunga ko'ra, talabalarga harbiy jurnalistikaga oid darslar tashkil etildi.

O'z sohasini astoydil yaxshi ko'rgan talabalar o'qish davrida o'zlarini amaliyot o'tagan tuman gazetalari, elektron nashrlar va axborot xizmatlaridan ish topgan bo'lib, ular imtihonlar tugagach, o'sha manzillarda ish boshlaydi. Biroq ish topish haqida hali o'ylab ko'rmaganlar ham bor.

Hozirgacha institutda jurnalistika yo'nalishi talabalari uchun media markaz yo'q edi. Yaqinda media markaz uchun xona ajratilib, zamonaviy jihozlar sotib olindi. Yangi o'quv yilidan media markaz ishga tushadi. Endi talabalar markazda bemalol o'z ustida ishlay oladi. Ayni damda institutimizda radio bo'lib, talabalar navbati bilan radioda chiqishlar qiladi.

Bugun aholi axborotni gazetadan ko'ra internet nashrlaridan o'qiyapti. Internet nashrlariga bo'lgan talab-kundan kunga ortmoqda. Hatto telelavha va teleaxborotlar ham ijtimoiy tarmoqlarda ko'proq ko'rilyapti. Shu sababli ommaviy axborot vositalarining ijtimoiy tarmoqlarda sahil-falari yaratildi. Ularni yanada rivojlantirish, obunachilari sonini oshirish, axborotni tez, sifatli va ishonchli manba sifatida yetkazib berish bo'yicha internet jurnalistlaridan katta mahorat talab qilinadi. Shunday ekan, kechagi jurnalistdan ko'ra bugungi jurnalist yanada tajribali bo'lishi, zamonaviy texnologiyalarni qo'llay olishi kerak.

Xurshida ERNAZAROVA.



Gazeta o'qish kerakligi isbotlandi

Matbuot va ommaviy axborot vositalari xodimlari kuni arafasida soha vakillari bir qator sport musobaqalarida qatnashdi.

Ishtixon tumanida boshlangan tadbirlar jurnalistlar uchun intellektual va jismoniy o'yinlar, qizg'in savol-javoblar, munozaralar, futbol o'yini bilan qiziqarli kechdi. Ustozlar bog'ida o'tkazilgan "Zakovat" intellektual o'yinida ommaviy axborot vositalari xodimlari, axborot xizmatlari, kutubxona xodimlaridan iborat jamoalar bellashdi.

Bellashuvlarda Oliy Majlis Senati a'zosi Farmon Toshev, Ishtixon tumani hokimi Foziliddin Ro'ziyev ham o'z savol-

lari bilan ishtirok etdi. "O'zbekistonda nechta qonun amalda?", "Nyu-Yorkdagi eng baland binolar haqidagi kitob bilan Zulfiqor Musoqovni mashhur qilgan film o'rtasidagi bog'liqlik nimada?" kabi savollar ishtirokchilarni qiziqirdi.

- Bu kabi o'yinlar jurnalistlarni jamoada ishlashga o'rgatadi, birgalikda ko'p muammolarni hal qilishimiz mumkinligiga ishonch uyg'otadi, - deydi O'zbekiston jurnalistlar uyushmasi viloyat bo'limi rahbari Akram Haydarov. - Axborotlashgan bugungi davrda insonning gazeta o'qishi har qachongidan ham muhimligi mutaxassislar tomonidan doim takrorlanib kelinadi. Qizig'i, bayram arafasida o'tkazilgan intellektual o'yinda "Gazeta o'qing!" jamoasi g'oliblikni qo'lga kiritdi.

O'yin so'ngida g'olib jamoalar taqdirlandi va yuqori o'rinni qo'lga kiritgan jamoalar qimmatbaho sovg'alarni tumandagi Ustozlar bog'ida yangi tashkil etilgan kutubxonaga sovg'a tariqasida qoldirishdi.

Futbol o'yinlarida jamoalar viloyat soliq boshqarmasi kubogi uchun bellashildi.

O'zbekiston Jurnalistlar uyushmasi viloyat bo'limi, viloyat axborot va ommaviy kommunikatsiyalar boshqarmasi hamkorligida tashkil etilgan sport o'yinlari kecha Matbuot uyida davom etdi. Ommaviy axborot vositalari xodimlari sportning stol tennisi, shaxmat, shaxka turlari bo'yicha o'z iqtidorini sinovdan o'tkazdi.

Ommaviy axborot vositalari ichida radio o'z tinglovchilarini jalb etish uchun unda o'ziga xos ovoz sohiblari mehnat qilishi va xalqning orzu-umidlari haqida hamohang radioeshittirishlar tayyorlashi kerak. Shunday jurnalistlardan biri maftunkor ovoz sohibasi Hulkar Nurmatovadir. U 25 yildan buyon radioeshittirishlar orqali xalqning qalbidan joy olib kelmokda.

- Samarqand radiokanalida har kuni uch soat jonli efir bo'ladi, - deydi viloyat teleradiokompaniyasi direktori Mirzo Ixtiyorov. - Hulkar Nurmatova radioda katta muharrir sifatida faoliyat yuritadi va "Xayri kun" dasturini jonli efirda olib boradi.

Xurshida ERNAZAROVA.



Insoniyatni halokatga olib boruvchi illat

Giyohvand moddalar inson ayni kuch-quvvatga to'lgan davrida alkogolga nisbatan 4,6 barobar tezroq halokatga uchratadi. BMT Bosh Assambleyasining 1987-yil 7-dekabrda qaroriga asosan, 26-iyun - "Xalqaro giyohvandlikka qarshi kurashish kuni, deb e'lon qilingan. Shuningdek, BMT tomonidan narkotik moddalar to'g'risidagi, psixotrop moddalar hamda giyohvandlik vositalari va psixotrop moddalarning no-qonuniy aylanishiga qarshi kurash to'g'risidagi konvensiyalar qabul qilingan, bundan tashqari O'zbekiston Respublikasining giyohvandlik vositalari va psixotrop moddalar to'g'risidagi qonuni mavjud.

Giyohvandlik o'ta jiddiy muammolardan biri bo'lib, uzluksiz rivojlanish maqsadlari doirasidagi amaliyotlarning bajarilishiga ham, tinchlik-totuvlik, xavfsizlik va inson huquqlari borasidagi xatti-harakatlar muvaffaqiyatiga ham to'sqinlik qilmoqda. Giyohvandlik bilan kasallanish, avvalo, jamiyatning tinchligi, ijtimoiy-iqtisodiy holati aholi salomatligiga, nasl-nasabiga va ta'lim-tarbiyasiga rahna soladi hamda yosh avlodning jismoniy, ruhiy va ma'naviy tanazzulga uchrashiga olib kelishi mumkin. Hozirgi kunda nafaqat giyohvandlar sonining oshishi, balki giyohvand moddalar biznesining faollashuvi, xalqarolashuvi kuchaymoqda.

Birlashgan Millatlar Tashkiloti Narkotiklar va jinoyatchilikka qarshi kurashish bo'yicha boshqarmasining ma'lumotlariga ko'ra, giyohvandlik aholi o'rtasida jismoniy kasalliklar, ruhiy-nevrologik, orttirilgan immunitet infeksiyasi, V, S, D, F hepatitlari, teri-tanosil kasalliklari kabi yondosh kasalliklarning keskin o'sishiga sabab bo'lmoqda.

Samarqand viloyatining geografik o'rni, rivojlangan transport

infrauzulmasi, qo'shni davlatlar bilan chegara hududlarining reliefi, hududda yashovchi aholining qo'shni davlat aholisi bilan ko'plab tizimlar orqali bog'langanligi, o'zaro aloqalarning tobora kengayib borayotganligi giyohvand moddalar kirib kelishiga, noqonuniy aylanishi uchun qulaylik tug'dirishi ehtimoli katta.

Markazimiz tomonidan nafaqat sana arafasida, balki yil davomida yoshlarning giyohvandlikka ruju qo'yishining oldini olish bo'yicha profilaktik tadbirlar olib boriladi. Xususan, viloyatdagi barcha oliy ta'lim muassasalarida rejaga ko'ra, yoshlar bilan uchrashuvlar o'tkazildi, ularga giyohvand moddalar zarari bo'yicha videofilmlar namoyish etildi. Payariq tumanida hamkor tashkilotlar bilan ommaviy yurish marafoni o'tkazildi.

Nargiza KENJAYEVA,
Respublika ixtisoslashtirilgan narkologiya ilmiy-amaliy tibbiyot markazi viloyat mintaqaviy filiali rahbari.
Sanjar BOYMIROV,
markaz shifokori.

REKLAMA, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-56

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Lukmanova Nodira Yashnarxonovna (2022-yil 11-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Azimova Kamola Hamzayevna notarial idorasida marhum Kuznetsova Nina Kirillovna (2017-yil 14-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Azimova Kamola Hamzayevna notarial idorasiga murojaat

etishlarini so'raymiz.

Manzil: Samarqand shahri Buyuk Ipak yo'li ko'chasi, 18-uy, 51-xona.

Samarqand shahrida xususiy amaliyot bilan shug'ullanuvchi notarius Xodjayev Farux Farxodovich notarial idorasida marhum Nabiyev Baxtiyor Mirzayevichga (2022-yil 1-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Xodjayev Farux Farxodovich notarial idorasiga murojaat etishlarini so'raymiz.

Manzil: Samarqand shahri Chuqur yo'l ko'chasi, 9-"B" uy.

Samarqand shahrida xususiy amaliyot bilan shug'ullanuvchi notarius Hazratqulov Mahmud Mo'minulovich notarial idorasida marhum Temurov Abdumamidga (2023-yil 24-oktabrda vafot etgan) tegishli mol-mulk

uchun meros ishi ochilmoqda. Shu munosabat bilan merosxo'rlarning Hazratqulov Mahmud Mo'minulovich notarial idorasiga murojaat etishlarini so'raymiz.

Manzil: Samarqand shahri Amir Temur ko'chasi, 36-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Sherkulov Ivdullaga (2017-yil 6-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Isoqulova

Nigora Turdiqulovna notarial idorasida marhum Muxtarova Gulchexra Ismailovna (2023-yil 12-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Umarov Akmaljon Shavkatovich notarial idorasida marhum Rustamov Murodulla Isomidinovichga (2022-yil 14-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Umarov Akmaljon Shavkatovich notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 17-uy.

BEKOR QILINADI

Samarqand tumanidagi "BEHZOD MAISHIY TEXNIKA MEBEL SAVDO" mas'uliyati cheklangan jamiyatining (STIR: 305326128) dumaloq muhri va burchak tamg'asi yo'qolganligi sababli bekor qilinadi.

Samarqand shahridagi "FAOVON TIBBIYOT" mas'uliyati cheklangan jamiyatining (STIR: 301189049) dumaloq muhri yo'qolganligi sababli bekor qilinadi.

TOPGANGA MUKOFOT!

Samarqand viloyati ichki ishlar boshqarmasidan Temirov Bobokulga berilgan pensiya guvohnomasi Kattaqo'rg'on tumani hududida tushirib qoldirilgan. Ushbu hujjatni topganlardan mukofot evaziga qaytarishlarini so'raymiz.

Telefon: +99893-228-19-32.

ZAMONAVIY JURNALIST QANDAY BO'LISHI KERAK?

Har qanday soha rivojlanish uchun zamon bilan hamnafas bo'lishi lozim, xususan, jurnalistika ham. Yangi janr va yo'nalishlar, atamalar, millionlab auditoriyaning e'tiborida bo'lgan zamonaviy texnika va texnologiyalar haqida bilmas ekanmiz, mahalliy darajadagi yutuqlar bilan quvonib yuraveramiz. Oqibatda yon-atrof, uzoq-yaqin mintaqalarda kechayotgan jarayonlar, hatto mahalliy yangiliklar ham tashqaridan ko'proq olinadi. Bu esa turli xavflarni oshiradi. "Yangi media ta'lim markazi" nodavlat notijorat tashkiloti direktori, jurnalist Beruniy Alimov bilan suhbatimiz shu mavzuda bo'ldi.

— Beruniy Alimov zamonaviy jurnalistika, deganda nimani tushunadi?

— Zamonaviy jurnalistika har bir o'quvchi-ning didiga javob bera olish imkoniyatidir. Shu bilan birga, u auditoriyaning istak va ehtiyojlarini aniqlay bilish, ijtimoiy fikrni to'g'ri yo'naltirish kuchiga ega bo'lishi kerak.

Bugun milliy jurnalistikamiz ham jahon jurnalistikasining tarkibiy bo'g'ini sifatida ulkan media oqimida ketmoqda. Lekin biz bu murakkab jarayonda, xususan, zamonaviylik ortidan quvib, jurnalistikaning milliy modelini unutilib qo'yimasligimiz kerak. O'zbek jurnalistikasi shu kungacha 150 yillik davrni bosib o'tgan bo'lsa, u doim o'zining milliy qiyofasini kashf etishga harakat qilgan va bugungi kunda ham bu jarayon davom etyapti. Bunda Sharq xalqlariga xos mentalitetimiz, turmush tarzimiz, an'analarimiz, mamlakatimizda bo'layotgan o'zgarishlarga munosabatimiz, milliy kontent, media imij singari juda ko'p omillar inobatga olinadi.

— Milliy jurnalistikamiz "zamonaviy" maqomga qanchalar yaqin?

— Bilasizmi, milliy jurnalistikamizning zamonaviy jurnalistikaga qanchalar yaqin yoki yaqin emasligini ko'plab tahlillar ko'rsatib turibdi. Masalan, biz qay darajada ochiqmiz, ochila olaymizmi, so'z erkinligi haqida ko'p gapiriladi, unga erishilaymiz? Shu savollarning javobi vaziyatni oydinlashtiradi.

Bugungi kunda yurtimizda senzura yo'q deyilgan bilan ichki senzura ham saqlanib qolgan. Tabu qo'yilgan mavzular yo'q deb ayta olmaymiz. O'z navbatida sohada rivojlanish ham bor. Shu nuqta nazardan, milliy jurnalistikamizga "ochilayotgan", zamonaviy jurnalistikaga yaqinlashishga harakat qilayotgan jurnalistika, deya baho bergan bo'lar edim.

— Bugun jamiyatda jurnalist va bloggerlarning o'zni mustahkammi? Ikki-uch yil oldingi shijoat yo'qolgandek ko'rinnmayaptimi?

— Jurnalist va bloggerlarning jamiyatimizdagi o'rni o'tgan davrdagiga nisbatan, buni tan olishga yoki olishmasa ham, ancha yuqori deb hisoblayman. To'g'ri, ikki-uch yil oldingi vaziyat bilan solishtirganda, ularning faolligi bir oz susaygan deb ko'rinyapti. Lekin tangeaning ikkinchi tarafi shundaki, bugungi jurnalistikaning qiyofasi o'zgariyapti. Ya'ni, hozir nafaqat matnlar, balki vizual kontentlarni rivojlantirish ustida ko'proq ishlanayapti. Misol uchun, ilgari mavzuni yoritishda "longread", ya'ni jadval uslubi kam ishlatilgan bo'lsa, hozir buning aksi. Demak, biz uslubiy jihatdan o'zgaraymiz. Qaysidir ma'noda buni sonning o'rniga sifat oshishi deyish mumkin.

Men sizning fikringizni ham ma'lum ma'noda qo'llab-quvvatlayman. Milliy blogosfera, bosma matbuotda umumiy faollik tushgani rost. Misol uchun, har hafta nashr qilinadigan ayrim gazetalimiz oyda bir marotaba chiqyapti, ba'zilar umuman yopilib ketish arafasida. Lekin bu bilan soha yoki jurnalistikaning taqdiri haqida xulosa qilib bo'lmaydi. O'sha 150 yillik tarixda ham bir maromdagi faoliyat kuzatilmagan. Bugun yaxshi, ertaga yomonroq, kelajakda a'lo bo'lishi mumkin. Jurnalistlar hech vaqt taslim bo'lmagan va doimo o'z haq-huquqlarini talab qilgan. Jurnalistika yopiq "parda"larni ochadi, undagi haqiqat hammaga ham, har doim ham yoqmasligi mumkin, ammo biz shu sohani tanladikmi, uni oyoqqa turg'izish uchun astoydil harakat qilishdan to'xtamasligimiz, ichki shijoatni yo'qotib qo'yimasligimiz kerak.

Birinchi savolingizga qaytsak, biz bir necha yildan beri kutilayotgan muhim hujjat - "Axborot kodeksi" qabul qilinishi arafasidamiz. U sohaga oid 8 ta qonun hujjatini umumlashtiradi va shundan keyin hamkasblarimizning jamiyatdagi o'rni qonuniy jihatdan yanada mustahkamlanadi, degan umiddamiz.

— Jurnalistlarni sohadagi yangiliklar bilan tanishtirish, malakasini oshirish uchun turli seminar va treninglar o'tkazib kelinadi. Xususan, Siz rahbarlik qilayotgan tashkilot bu borada katta loyihalarga qo'l urmoqda. Ammo seminarlarda ishtirok etgan hamkasblarimizning barchasi ham olgan yangi bilimlarini amaliyotda qo'llay oloyaptimi?

— Yangi Media ta'lim markazimiz tashkil etilganiga hali ko'p bo'lgani yo'q. Biz faqat markaziy emas, asosan, viloyat, tuman, chekka



hududlardagi ommaviy axborot vositalari fidoyilarining kasb mahoratini oshirishga ko'mak berishga harakat qilaymiz. Albatta, turli holatlar bo'ladi. Shundaylari borki, biz kutganimizdan ko'ra yaxshiroq samara bergan. Bu joylarda ishlayotgan OAV vakillarining yoshi yoki jinsiga ham bog'liq masala emas, asosiy omil tinglovchining shaxsiy xususiyatlariga va intilishi hisoblanadi. Bu holatni har qanday ta'lim jarayonida ko'rish mumkin. Kimdir tez o'zlashtiradi, kimdir esa buning uchun vaqt kerak.

Treningda berilayotgan bilim, xususan, sohada ishlatilayotgan yangi uslub va texnologiyalar barcha joyda bir xil qabul qilinishini kutish noo'rin deb o'ylayman. Boisi yangilikni ishda qo'llash bosqichma-bosqich bo'ladigan jarayon. To'g'ri, tinglovchilarimizning barchasi ham bu imkoniyatdan to'liq foydalana olmayotgandir, lekin biz harakatni to'xtatmaymiz. Natija mehnatni talab qiladi.

— Bilamizki, tashkilotlardagi matbuot kotiblari Axborot va ommaviy kommunikatsiyalar agentligi tomonidan attestatsiyadan o'tkazib turiladi. Balki jurnalistlarni ham shunday sinovlardan o'tkazib turish kerakdir, nima deb o'ylaysiz?

— Jurnalistlarni ishga olishdan avval kasb mahorati bo'yicha imtihon qilish zarur qilmaydi. Lekin bu imtihonni o'ta markazlashgan shaklda, viloyat yoki tuman miqyosida biror mas'ul tashkilotni belgilagan holda o'tkazish kerak deb o'ylamayman. Ayni jarayon tahririyat yoki jurnalistlarning ijodiy uyushmalarida sohaning faxriylari tomonidan amalga oshirilsa va unda asosiy e'tibor jurnalistik etikaga qaratisa, maqsadga muvofiq bo'lardi.

Xorij tajribasini oladigan bo'lsak, Germaniyada yosh jurnalistlarning kasbiy etikasini rivojlantirishga jiddiy e'tibor beriladi. Agar xodim bunga amal qilmasa, u nafaqat o'z tahririyatida ishdan olinadi, balki bu davlatdagi boshqa OAV ham ishga yollamay qo'yishi mumkin. Ya'ni, u yerda kasbiy rivojlanish tizimli amalga oshiriladi.

— Shu kunlarda qaysi nashrlar yoki jurnalistlarning faoliyatini kuzatib boryapsiz?

— Men barcha gazeta, televideniye, radio va boshqa media vositalarini kuzatib borishga harakat qilaman. Boisi yaxshi material qayerda berilishidan qat'i nazar, o'z ahamiyatini o'zgartirmaydi. Shu bois men biror tahririyatni alohida belgilay olmayman. Kuzatayotganim markaziy, biror tumanidagi kichik nashr ham bo'lishi mumkin. Masalan, "Zarafshon" gazetasining bosma shaklini doim ham topolmasam-da, saytingiz orqali elektron shaklini kuzatib boraman. Agar unda chop etilgan biror dolzarb mavzudagi maqolani ko'rmay qolsam, shogirdlarim tashlab berishadi. Shunday ekan, yaxshi ish va uning muallifi doimo e'tibor markazimda bo'ladi.

— Bosma nashrlarga mehriylik bo'lakligini yaxshi bilamiz. Nima deb o'ylaysiz, bizda ham ular rivojlangan davlatlardagi singari mavqega erishadimi? Gazetxonlikni ommalashtirish uchun nima qilish kerak?

— Bilasizmi, gazetxonlikni tiklash masalasi juda jiddiy mavzu. Bu bo'yicha men qariyb 10 yildan beri o'z munosabatimni bildirib kelaman. Qator

maqolalar yozdik, televideniye va radiolarda chiqish qilib, bong uryapmiz.

Xorijiy safarlarda ham bosma nashrlarning holatini o'rganishga harakat qilaman. Shuni afsus bilan aytishim kerakki, nafaqat O'zbekiston, balki rivojlangan xorijiy davlatlarda ham bosma nashrlarning adadi kamaygan. Masalan, bosma nashrlar beshigi hisoblangan Buyuk Britaniyada bu yilgi saylovlardan keyin gazeta va jurnallarning adadi pasayishi taxmin qilinmoqda. Germaniyalik deputatlar bilan suhbatimiz davomida barcha murakkabliklarga qaramay gazeta-lardagi maqolalar televideniye va saytlar uchun trend mavzularni belgilab berishi, ya'ni asosiy masalalar gazetalar orqali yoritilishi bildirildi.

Shu nuqta nazardan aytishimiz mumkinki, milliy gazetachiligimiz ham bosh urg'uni tasha tegmagan mavzudagi tahliliy maqolalarga qaratishi kerak. Faqat shu yo'l bilanгина ular o'z obro'yni saqlab, jamiyatdagi o'rnini mustahkamlab borishi mumkin.

— Ko'pchilik OAV xodimlarining kasb bayrami davlat tomonidan e'tirof etilishi-ni hazz qila olmaydi. Siz bunga qanday qaraysiz?

— Jurnalistlarning kasb bayramiga hukumat darajasida e'tibor qaratilishi yoki aytaylik, davlat tomonidan OAVning qo'llab-quvvatlanishi, moddiy ko'mak berilishiga qarshi emasman. Lekin jurnalistlar bu e'tiborga tobe bo'lib qolmasligi kerak. Jurnalistikada inoiviy menejment yaxshi rivojlanyapti va bundan ko'plab tahririyatlar unumli foydalanmoqda. Gap faqat an'anaviy reklama tushirish amaliyoti haqida emas. Aksariyat gazetalar biznesning qonun bilan ta'qiqlanmagan boshqa yo'llari orqali ham yaxshigina daromad qilib, o'zlarini moddiy jihatdan ta'minlayotganini e'tirof etish kerak.

— Beruniy Alimovdan yosh jurnalistlarga top 5 maslahat:

— Yosh jurnalistlarga asosiy maslahatim, ko'proq bilim oling! Sababi professional jurnalist bilan bilimsiz jurnalist o'rtasidagi farq bugun bo'lmasa, ertaga bilinib qoladi.

Ikkinchi maslahatim, kasbga fidoyilik bo'lishi kerak. Masalan, biror qiyin vaziyatda qolinsa, tushkunlikka tushish, taslim bo'lish kerak emas. Jurnalistikaning tabiati shunday, biz uni tanladikmi, kurashishdan hech qachon tortinmaslik va to'xtamaslik lozim.

Uchinchidan, ijodkor bo'ling! Biz boshqa kasb egalari bilan ijodkorligimiz bilan ajralib turamiz. Har qanday muam-mo, har qanaqa mavzuni olib chiqaymizmi, ular ijodiy yon-dashishimiz, o'z uslubimizga ega ijodkor bo'lishimiz shart.

To'rtinchidan, o'z ustimizda ishlashdan to'xtamasligimiz kerak. Masalan, shifokorlarni olib qarasa, ular yiliga kamida bir marotaba o'qishga borishadi. O'qituvchilar ham malaka oshiradi. Afsuski, jurnalistlar bunga jiddiy e'tibor bermayotganini ko'ryapmiz. Shunday ekan, har bir jurnalist yiliga 2-3 marta, onlayn yoki oflaynmi, farqi yo'q, o'z bilimlarini yangilash uchun seminar va treninglarda qatnashib turishi zarur.

Beshinchi masalaga kelsak, meni hayratda qoldirayotgan narsa — bu ichki senzuraning haligacha yo'qolmayotgani. Bizning avlod haqiqiy senzuraning ham, ichki senzuraning ham ko'rdi. Ko'pchilik undan kutila olmayapti. Bizdagi kamchiliklar, aytaylik, ba'zi holatlarda o'z vazifasini to'laqonli bajarishda jasoratning yetishmasligi, ikkilanish yoshlarimizda bo'lmasligini xohlardim. Ular bizga nisbatan dadilroq, mahoratliroq bo'lishi kerak.

Fursatdan foydalanib, barcha ustozlarimiz, hamkasblarimiz, shogirdlarimizga kasb bayrami muborak bo'lsin deyman. Qalamimiz har doim o'tkir bo'lsin!

— Sizni ham tabriklaymiz! Samimiy suhbat uchun rahmat!

Asqar BAROTOV suhbatlashdi.



Yigirma yil avval boshlangan nuqtadaman...

gan, ulug'vor va salobatli, jismonan baquvvat, qarashlari qirg'ynikidek bo'lsa kerak, deb o'ylardim. Qayda, lapanglagan yurish, yog' bosgan gavda, katta qorin, kamiga esnab ham qo'yarkan orada.

Ko'nglim qoldi mashhur jurnalistdan. Bu o'sha odam bilan birinchi va oxirgi uchrashuv edi. Baribir sohaga kirdim. Qanchadir yil o'tib, aynan jurnalistik surishtiruvlarni boshladim. Bemalol ayta olaman, sohada o'sha uchrashuvda aytilmagan lazzat bor ekan! Har bir muammoni ildizi bilan o'rganib chiqib e'lon qilarkansiz, yelkangizdan tog' ag'dariladi. Kimningdir muammosi hal bo'lsa, undagi quvonch sizga ham o'tadi. Joyi kelganida butun qishloq, mahalla ahli duo qilgan vaqtlar bo'ldi. Buning mazasini olgach, qayerda nimadir muhim masala ro'y bera, eshitgan zahoti, hatto yarim kechasi ham yo'lga chiqadigan bo'lib qoldik. Har qadamda jamiyatga foydangiz tegayotganini his qilaysiz. Siz ko'targan katta-kichik muammo yechim topganida o'zingizni osmonlarda ko'rasiz. Darvoqe, birovgina muttahaam bo'lmay, harom luqmadan uzoq yurib ham shirin hayot kechirish mumkinligini, mehnatga yarasha halol rag'batni O'zi berishini ham shu sohada ko'rdim.

— Falonchiyev siz bo'lasmiz? Menga maslahatingiz kerak!

Bu — ko'rinishi o'lguday ozg'in, o'zi tuzukroq muomalani ham bilmagan, sohaga endi yaqinlashayotgan yigitchaning kira solib mashhur jurnalistga talab qo'yishi albatta, g'alati. Universitetni bitirganimda shunaqa "g'alati bola" edim.

Boyagi Falonchiyevga keladigan bo'lsak, kutilmaganda xonasiga bostirib kirganim bilan aslida uni yillar davomida o'qib kelganman. Universitet kutubxonasida gazetalar ham saqlanar, aynan o'sha odamning maqolalarini topib, o'qib maza qilardim. Surishtiruvlarni boplardim, o'tkir muammolarni shunchaki yozmasdan, albatta, yechim ham taklif qilardi. Ullas, men havas qilgan odam edi. Ammo u bilan uchrashuvimni meni gandraklatib qo'ydi. Necha yillik havas havoga uchdi-ketdi. Gaplari umuman menga yoqmadim:

— Senga haqqoniy maslahat beraman, amal qilasanmi? O'tir bo'lmasa! Ko'zingda olov bor ekan, sohada u-bu narsaga erishasan, ammo hayotda emas. Chin dildan maslahatim shuki, aqling borida yig'ishtir havasingni.

O'rniidan turib, sigaret yoqdi, xonada yurib davom etdi.

— Bu yerda hammaning dardi sening darding bo'ladi, sening darding esa faqat o'zingniki. Qisqasi, sohadan uzoq yur, hozirgi shashing bilan boshqa sohada barcha niyatingga yetasan. Ullas, yaxshi soha emas bu. Shu maslahatim.

Bu gapdan keyin boyagi mashhur jurnalistga bo'lgan hurmatim yo'qoldi. Uning "Men surishtiruvlar qilmay qo'rganman, ana, yoshlarga o'tkazib yuboraman kimdir dardini aytib kelsa", degan gapidan keyin biror nafrat ham uyg'onganday bo'ldi. Hatto uning ko'rinishi ham beso'nacaq ekaniga keyin e'tibor berdim. Men negadir ko'rishgunimga qadar u odamning nigohi otni yiqitadi-

Xalq dardi bilan yashashni o'rgandim

Buning uchun ustozlarimdan minnatdorman

"Jurnalist xalqning dardi bilan yashashi kerak. Bizga odamlar ishonadi, doim haqiqatni, o'zing ko'rgan, eshitgan va guvohi bo'lganlarini yoz, xato qilmaslikka harakat qil".

Besh yil oldin viloyat "Zarafshon" gazetasi tahririyatida ish boshlaganimda ustozlarimdan eshitgan birinchi gapim shu bo'lgan. O'tgan vaqt oralig'ida bu dargohda ular bilan yelkama-elka ishlab, bu so'zlar ayni haqiqat ekanligini angladim. Ustozlarim ko'magi bilan sohaga kirib keldim va jurnalistika meni xalq dardi bilan yashashga, halol-pok ishlashga o'rgatdi. Ustozlarim "Jurnalistning noni qattiq, sohaning mashaqqati va og'ir yukini gardaniga olgan, oqni oq, qorani qora deydigan, buning ortidan otladigan toshlarga chidagan, irodasi metin inson haqiqiy jurnalist bo'la oladi", degan edi. Kasbimiz qanchalik og'ir bo'lmasin, jamiyat hayoti va yurtimiz ertasiga befarq bo'lmagan holda ustozlarimning yo'lidan boraman.

Jurnalistikaning mashaqqati bilan birga, zavqi ham o'zgacha bo'lar ekan. Uyda, ko'chada yoki biror tadbirda bo'lamanni, fikru xayolim qaysidir mavzuda, yozayotgan maqolamda bo'ladi. Ayniqsa, materialim chup etilgach, kimningdir og'iri yengil bo'lsa yoki jamiyat rivojiga soya solib turgan biror muammo hal etilsa, bundan kuch olaman.

Fazliddin RO'ZIBOYEV.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 12 105 nusxada chop etildi. Buyurtma 337. Hajmi 2 bosma taqob, bichimi A-2.

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonada manzili: Samarqand shahri, Spitamen ko'chasi, 270-uy.

Bosishga topshirish vaqti:

soat 18:30 da.

Bosishga topshirildi:

soat 19:00

Navbatchi muharrir:

A.SHERXOLOV.

Navbatchi:

D.TO'XTAYEV.

Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda